

EKONOMSKI FAKULTET U SARAJEVU, ul. Trg oslobođenja – Alija Izetbegović br. 1. 71000 Sarajevo, ID broj: 4200735430002, PDV broj: 200735430002, koga zastupa dekan Fakulteta, prof. dr. Kemal Kozarić (u daljem tekstu: Naručilac usluga)

Obrtnička radnja "BMS", ul. Kobilja glava 182. Vogošća ID broj: 4301204850008, PDV broj: 501204850008, koga zastupa direktor, Fata Begović(u daljem tekstu: Pružalac usluga)

nakon provedenog postupka javne nabavke putem direktnog sporazuma i Odluke o dodjeli ugovora broj 01-3-187-7/17 od 25. 01. 2017. godine, zaključili su dana 03. 02. 2017. godine

UGOVOR O PRUŽANJU USLUGA

PREDMET UGOVORA

Član 1.

Predmet ugovora je pružanje usluga tehničke podrške za organizovanje događaja pod nazivom "Ekonomski forum Bosne i Hercegovine 2017" koji organizuje Ekonomski fakultet u Sarajevu.

OBAVEZE UGOVORNIH STRANA

Član 2.

Pružalac usluga se obavezuje da obezbijedi tehničku podršku u skladu sa dostavljenom ponudom broj 9(1)2017, a po zahtjevu ugovornog organa, odnosno Naučioca usluga.

Pružalac usluga ima obavezu da prema svim uputama Naručioca usluga, realizira sve aktivnosti za pripremu i tehničku realizaciju u skladu sa planiranim aktivnostima u periodu trajanja ugovora.

Naručilac usluga se obavezuje da obezbijedi nesmetan ulazak vozila Izvršioca usluga na lokaciju, odgovarajući strujni priključak i obezbjeđenje opreme tokom trajanja događaja.

CIJENA I NAČIN PLAĆANJA

Član 3.

Cijena koju će naručilac usluga platiti na osnovu ovog ugovora utvrđuje se za naznačeni period važenja ugovora i to iznos:

	2,520.00 KM
PDV	428,40 KM
Ukupno	2,948,40 KM

(Slovima: dvijehiljadedevetstinačetdesetosam i 40/100KM)

Naručilac se obavezuje da izvrši uplatu ugovorenog iznosa u roku od 15 (petnaest) dana od dana ispostavljanja fakture.

VRIJEME TRAJANJA I NAČIN RASKIDANJA UGOVORA

Član 4.

Ovaj ugovor se zaključuje na period od 08. 02. 2017. godine do 10. 02. 2017. godine, a stupa na snagu danom potpisivanja obje ugovorne strane..

Član 5.

Ugovorni odnos prestaje uručenjem pisanog dopisa o raskidu Ugovora. Naručilac usluga će prije isteka otkaznog roka prema Pružaocu usluga izmiriti sve svoje obaveze.

VIŠA SILA

Član 6.

Ako slučaj više sile koja potpuno ili djelimično spriječi trajno ili privremeno izvršenje obaveza po iznosu iz ovog Ugovora, ugovorna strana koja se poziva na taj slučaj obavezna je da u roku od 3 dana od dana nastanka više sile o tome obavijesti drugu ugovornu stranu na način koji je u datoj situaciji moguć (telegram, telefax i sl.).

Pod višom silom u smislu prethodnog stava podrazumijeva se događaj ili okolnosti koji nisu postojali u vrijeme potpisivanja ovog Ugovora, koji su nastali mimo volje i moći ugovorne strane, čije se nastupanje nije moglo predvijeti i čije se posljedice nisu mogle izbjeći ili otkloniti mjerama i sredstvima koja se mogu u konkretnoj situaciji opravdano tražiti i očekivati od strane koja je pogođena višom silom.

Član 7.

Ugovorene strane su se sporazumjele da će se svi eventualni sporovi rješavati dogovorno, a u protivnom ugovaraju nadležnost Suda u Sarajevu.

Član 8.


Ovaj Ugovor sačinjen je u 4 (četiri) istovjetna primjerka od kojih svaka strana zadržava po 2 (dva) primjerka.

Sve eventualne izmjene ovog govora moraju biti uz pismenu saglasnost ugovornih strana.

PRUŽALAC USLUGA
Obrtnička radnja "BMS"
DIREKTOR
Fata Begović



NARUČILAC USLUGA
EKONOMSKI FAKULTET U SARAJEVU
DEKAN
Prof. dr. Kemal Kozarić


Broj: 01-3-187-9/17

